

# ГЎЗАЛ ВА БЕТАКРОРИМСАН, МУҚАДДАС ВАТАНИМ, ЖОНИМ СЕНГА ФИДО, ЎЗБЕКИСТОНИМ!

ILM OLMOQQA INTILISH – HAR BIR MUSLIM VA MUSLIMA UCHUN QARZ-U FARZ

# Ziyo chashmasi

ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

№ 9 (248) 2016-YIL 12-DEKABR

ISSN-2010-9393

1993-YIL, 21-MARTDAN CHIQA BOSHLAGAN



8 декабрь — Ўзбекистон Республикаси Конституцияси қабул қилинган кун

## Асосий Қонунимиз — БАХТИМИЗ ҚОМУСИ

«Ўзбекистонимизнинг мустақил тараққиёт йилларида эришган барча-барча ютуқ-марралари, унинг улкан суръатлар билан ўсиши, аввало, Конституциямизнинг ҳаётбахш қудрати ва салоҳияти, унда мужассам бўлган принциплар, қоида-нормаларнинг нақадар чуқур ўйлангани, ҳар томонлама мустаҳкам асосга эга эканлигини яққол намойён этади».

Ислом КАРИМОВ

Конституциямиз халқимизнинг эркинлик сари узоқ йиллик изланишлари натижасидир. 24 йил муқаддам, 1992 йил 8 декабрда қабул қилинган Ўзбекистон Республикаси Конституциясининг давлатимиз ва халқимиз ҳаётида тутган ўрни ва аҳамиятини тўлиқ тасаввур этиш учун уни қабул қилиш арафасидаги воқеалар, ҳодисаларни, мамлакатимизнинг сиёсий ҳаётида рўй берган жараёнларни, ўзгаришларни эслаш керак бўлади.

Янги Конституция қабул қилиниши билан боғлиқ жараёни уч босқичга бўлиш мумкин. Биринчи босқич 1990 йилдан 1991 йилнинг августига бўлган даврни ўз ичига олади. 1990 йил 24 мартда Ўзбекистон ССР Олий Кенгашининг биринчи сессиясида, демократия жараёнларини янада ривожлантириш, сиёсий ўзгаришларни чуқурлаштириш, конституциявий тузумни, фуқароларнинг ҳуқуқлари ва эркинликлари, ҳавфсизлигини мустаҳкамлаш, давлат ҳокимияти ва бошқарув олий органларининг ўзаро алоқасини такомиллаштириш мақсадида Ўзбекистон Совет Социалистик Республикасининг Президенти лавозими таъсис этилган. Конституцияга ушбу лавозим таъсис этилиши билан боғлиқ ўзгаришлар киритилган.

Ушбу сессияда Ислом Абдуғаниевич Каримов Ўзбекистон Президенти этиб сайланган. Ўзбекистон тарихида илк бор жорий этилган Республика Президенти лавозими янги Ўзбекистон давлат ҳокимияти органлари тизимида марказий ўринни эгаллади. У сиёсий тизимнинг ўзаги бўлиб қолди. Олий Кенгашнинг 1990 йил июнь ойида бўлиб ўтган иккинчи сессиясида Мустақиллик декларацияси қабул қилиниши янги Конституцияни ишлаб чиқиш учун замин ҳозирлади.

Декларацияда ҳокимиятни қўлдан бермаслик учун уринаётган СССР Олий Совети қарорлари Ўзбекистон ССР Конституцияга мувофиқ, ЎзССР Олий Совети томонидан тасдиқланганидагина республика ҳудудида кучга бўлиши, Ўзбекистон ўзининг тараққиёт йўлини, ўз номини белгилаши ва давлат белгиларини ўзи таъсис этиши эълон қилинди. Ушбу сессия "Конституцион комиссия тузиш тўғрисида"ги тарихий қарорни қабул қилди. Унга мувофиқ Ислом Каримов бошчилигида янги конституция лойиҳасини тайёрлаш бўйича комиссия таркиби тасдиқланди.

1990 йилнинг 29 октябрь — 1 ноябр кунларида бўлиб ўтган Олий Кенгашнинг учинчи сессиясида "Ўзбекистон ССРда ижроия ва бошқарув ҳокимиятининг тузилишини такомиллаштириш ҳамда Ўзбекистон ССР Конституцияси (Асосий қонуни)га ўзгартириш ва қўшимчалар киритиш тўғрисида"ги қонун қабул қилинди.

(давоми 2-бетда)



Мустақиллик шарофати ила мустақил тузум даврида ўзининг ҳақиқий қиёфасини йўқотган миллийлигимиз, урф-одат, анъана ва қадриятларимизнинг қайта тикланишига эришдик.

Миллат тараққиётини яна бир

қ о р и  
поғонага  
кўтарган

муқаддас  
неъмат Бош Қомусимизнинг шиори сифатида жаранглаётган

"Озод ва обод Ватан, эркин ва фаровон жамият қуриш" ташунчаси қанчалик бир-бирини тўлдирши, бугунги кунимиз, яқин ўтмишимиз ва биз яратмоқчи бўлган фаровон келажагимизда ўз аҳамиятини кўрсатмоқда.

Умуминсоний қадриятларга содиқлик, халқимизнинг маънавий меросини мустаҳкамлаш ва ривожлантириш, инсоннинг ўз имкониятларини эркин ҳимоя қилиш, ватанпарварлик, фидойилик, жасорат ва тадбиркорлик каби ташунчалар билан боғлиқдир. Демак, айтиш мумкинки, Конституция бизга ўзлигимизни англаш ва қадрлаш туйғусини ҳам берди. Инсон, унинг ҳуқуқи ва эркинлиги масаласи демократик ҳуқуқий давлат, фуқаролик жамиятининг муҳим белгиларидан бири бўлиб, у ҳар бир давлатнинг демократик тараққиёти даражасини кўрсатув-

чи муҳим мезондир. Шунинг учун ҳам инсон манфаатлари халқаро ҳуқуқда ҳам, миллий ҳуқуқий тизимимизда ҳам муҳим ўрин тутди. Ўзбекистон Республикаси ўзининг ички ва ташқи сиёсатида давлат қонунчилиги тизимида инсон ҳуқуқи ва эркинликларини муҳофаза қилиш, таъминлашга оид норматив ҳуқуқий базани

да инсон ҳуқуқи ва эркинликларини муҳофаза қилиш, таъминлашга оид норматив ҳуқуқий базани

шакллантирди. Ўзбекистон Республикаси Конституциясининг ғоялари, мақсадлари, руҳи, унинг ҳар бир қоида сиёсати инсон ҳуқуқлари умумжаҳон декларацияси, бир неча асрлар мобайнида илғор ва етакчи мамлакатларда шаклланган демократик қадриятлар, миллий давлатчилик, шунингдек, бир неча минг йилликлардан буён авлоддан-авлодга мерос бўлиб келаётган ўзбекона ва шарқона давлатни адолатли идора этиш ҳамда халқ билан бамаслаҳат сиёсат олиб бориш анъаналарини ҳам ўзида мужассамлаштирди. Ўзбекистон Республикасининг Биринчи Президенти И. Каримов таъбири билан айтганда: "Қонунлар ҳаётини амалиёт билан узвий боғлиқ бўлиши ва ундан келиб чиқмоғи керак".

Бу йил Бош Қомусимиз қабул қилин-

## УЛАРДАН Ўрнак олинг!

— **Ақчаев Фаррух** — тарих ўқитиш методикаси кафедраси ўқитувчиси. "Йилнинг энг фаол маънавият тарғиботчиси" Республика кўрик-танловининг III даражали дипломи соҳиби

— **Умиркулова Гулноз** — тасвирий санъат йўналиши II босқич талабаси. "Янги аср истеъодлари — 2016" Республика танлови III даражали дипломи соҳибаси.

— **Турсунбоева Нафосат** — мусиқий таълим йўналиши IV босқич талабаси, "Йилнинг энг фаол ёш журналисти" Республика кўрик-танловининг радио йўналиши бўйича биринчи ўрин соҳибаси.

— **Раҳмонкулова Зиёда** — табиий фанлар факультети II босқич талабаси. "Ёшлар тадбиркорлигини ривожлантиришнинг долзарб масалалари" II Республика ёш тадбиркорлар бизнес форумида фаол иштирок этганлиги учун СЕРТИФИКАТ билан тақдирланди.

— **Исматова Гўзал** — бокс бўйича 19 ёш ва ундан катта бўлган аёллар ҳамда 1998-1999 йилларда туғилган қизлар ўртасидаги Ўзбекистон Республикаси чемпионатида 81 кг вазнда I ўринни эгаллаганлиги учун I даражали диплом билан тақдирланди.

— **Облокулова Шахло** — чет тиллар факультети IV босқич талабаси. Навоий номидаги давлат стипендияси соҳибаси.

— **Абдугапарова Шодиена** — ўзбек тили ва адабиёти факультети III босқич талабаси. Навоий номидаги давлат стипендияси соҳибаси.

— **Шодиев Одилжон** — ўзбек тили ва адабиёти факультети III босқич талабаси. Навоий номидаги давлат стипендияси соҳиби.

ганлигининг 24 йиллигини кенг нишонламоқдамиз. Ана шундай шодиёналардан бири 7 декабрь куни институтимиз маданият саройида "Конституциямиз — ҳуқуқ ва эркинлигимиз кафолати" мавзусида бўлиб ўтди. Йиғилишни институтимиз ректори, профессор А. Холбеков табрик сўзи билан очди. У ўз нутқида институтимизда юз бераётган ўзгаришлар, қўлга киритган ютуқ ва марраларимиз ҳақида атрофлича тўхтади.

Миллий ғоя, маънавият асослари ва ҳуқуқ таълими кафедраси ўқитувчиси А. Арипов маъруза қилди. Чет тиллар факультети талабаси, Навоий номидаги Давлат стипендияси соҳибаси Ш. Облокулова сўзга чиқиб, йиғилиш иштирокчиларини муборакбод этди.

Тадбирнинг махсус қисмида институтимизнинг бир гуруҳ профессор-ўқитувчиларига давлатимизнинг нуфузли нишонлари ва институтимиз фахрий ёрлиқлари тантанали равишда топширилди.

Йиғилиш сўнгида талабалар томонидан тайёрланган бадий кеча иштирокчиларда катта таассурот қолдирди.

**Жасур ШОДИЕВ,**  
Миллий ғоя, маънавият асослари ва ҳуқуқ таълими кафедраси ўқитувчиси.





